

En que consiste a convocatoria extraordinaria do programa municipal “VIGO EN INGLÉS”?

Despois dos positivos e satisfactorios resultados acadados no desenvolvemento do programa municipal de inmersión lingüística mediante integración escolar nun High School en período lectivo (VIGO EN INGLÉS), a nova edición 2016 desta iniciativa didáctica tentará seguir promovendo a mellora da competencia e capacitación en lingua inglesa do alumnado de Vigo, dentro do marco do programa educativo municipal “Aulas Internacionais”.

A convocatoria extraordinaria do programa municipal VIGO EN INGLÉS 2016 constará de ata un máximo de 150 prazas en réxime de concorrencia competitiva (condicionadas á tramitación por parte do Servizo Municipal de Educación do expte. administrativo 17468-332 para resolución final de acordo de “contrato maior de servizos para a xestión, organización e desenvolvemento do programa municipal de inmersión lingüística mediante integración escolar nun High School en período lectivo Vigo en Inglés 2016”). Esta oferta desglosase en 100 prazas para alumnado de 2º de Bacharelato escolarizado en centros públicos e 50 prazas para alumnado de 2º de Bacharelato escolarizado en centros privados.

O programa permitirá realizar viaxes e estadias de inmersión lingüística a Inglaterra que teñen como obxectivo ofrecer aos alumnos e alumnas de 2º de Bacharelato dos centros educativos da nosa cidade, a oportunidade de mergullarse na lingua e cultura británicas e aprender nas escolas locais ou High Schools en réxime de integración escolar co alumnado nativo, como se fosen un máis da clase. Por este motivo, as viaxes, dunha duración de 3 semanas, teñen previsto comezar aproximadamente na segunda quincena de xuño, sempre despois da realización das probas de acceso á Universidade (PAU) ou Selectividade e a estadia rematará preferentemente como moi tarde na primeira quincena de xullo de 2016.

As prazas incluirán o importe da matrícula no programa lectivo e o material necesario para completalo e acreditar a súa finalización, así como os custos de aloxamento en familias anfitrías e manutención en réxime de pensión completa. Asemade, incluirá os gastos derivados, do curso intensivo de mellora en lingua inglesa, da organización de actividades extraescolares e de lecer e visitas didácticas a centros de interese do país de acollida —que se desenvolverán en inglés e guiadas por monitorado nativo—, así como o importe das viaxes de ida e volta, dos seguros de viaxe e responsabilidade civil, e do transporte urbano ata o centro de ensino de integración asignado.

Agardando a túa proveitosa participación no programa educativo “Vigo en Inglés 2016”, recibe un cordial saúdo.

Abel Caballero · Alcalde de Vigo



CONCELLO
DE VIGO



SERVIZO DE EDUCACIÓN

Praza do Rei s/n, Planta 11ª - 36202 Vigo

Teléfono: 986 81 01 81

E-mail: vigoeningles@vigo.org

www.vigoeningles.org

CONCELLO
DE VIGO



VIGO EN INGLÉS

Programa Educativo Municipal



CONVOCATORIA EXTRAORDINARIA 2º BACHARELATO

2016

Becas de inmersión en lingua inglesa

www.vigoeningles.org

CALES SON OS REQUISITOS PARA SOLICITAR A PARTICIPACIÓN?

- a) Estar a cursar 2º de Bacharelato nun centro educativo do Concello de Vigo durante o curso académico 2015/2016.
- b) Ter aprobadas todas as materias de 1º de bacharelato.
- c) Ter obtido, como mínimo, unha nota de 6 na materia de Lingua inglesa nas cualificacións finais de 1º de Bacharelato.
- d) Estar empadroad/a no Concello de Vigo, con vixencia mínima dende o 01/01/2016, dato que será comprobado de oficio pola propia administración.
- e) Non ter concedida, no ano 2016, outra axuda coa mesma finalidade.
- g) Ter DNI/NIE, permiso de residencia ou pasaporte en vigor cunha vixencia mínima de 6 meses.

COMO PODES SOLICITAR A PRAZA?

Deberán solicitar as prazas os representantes legais (pai e nai, ou titor/a legal) dos alumnos/as, e se pode consultar o contido íntegro das bases da convocatoria e descargar todos os formularios necesarios no sitio web www.vigoeningles.org.

O prazo para a presentación das solicitudes será do luns 15 de febreiro de 2016 ao venres 26 de febreiro de 2016, ambos inclusive. Dentro deste prazo, os interesados deberán presentar no Rexistro Xeral do Concello de Vigo (Praza do Rei s/n 36202 Vigo) a seguinte documentación:

- a) **Anexos** da convocatoria (descargables no sitio web www.vigoeningles.org) asinados polo alumno/a beneficiario/a e os solicitantes (pai e nai, ou titor/a legal), segundo corresponda:

- **Anexo I:** Solicitud de participación no VIGO EN INGLÉS 2016.
- **Anexo II e certificación académica orixinal** emitida polo centro educativo de Vigo na que conste **estar matriculado en 2º de Bacharelato no curso académico 2015/2016, ter aprobadas todas as materias de 1º de Bacharelato, e a nota final en lingua inglesa de 1º de Bacharelato.**
- **Anexo III:** Autorización do representante legal (pai, nai, ou titor/a legal).
- **Anexo IV:** Declaración complementaria do conxunto de axudas concedidas para a mesma finalidade.

b) Fotocopia simple do DNI/NIE do alumno/a, autorización de residencia ou pasaporte (en vigor).

c) Fotocopia simple do DNI/NIE, autorización de residencia ou pasaporte (en vigor) dos solicitantes (pai e nai ou titor/a legal) que asinan a solicitude de participación do Anexo I.

d) Fotocopia simple do libro de familia na que figuren todos os membros da unidade familiar ou documentación acreditativa da titoría legal e, de ser o caso, **acreditar documentalmente outras circunstancias familiares** considerando como tales: familia numerosa, pai/nai solteiro/a, divorcio ou separación, viúvo/a.

e) Certificado de discapacidade, de ser o caso.

f) Xustificación de ingresos: Aquelas familias que non autoricen ao Concello de Vigo a solicitude de información fiscal á Axencia Tributaria, deberán presentar fotocopia simple da última declaración da renda de todos os membros da unidade familiar ou certificado de estar exento/a emitido pola Axencia Tributaria.

g) No caso de que algún participante precise de **atencións médicas especiais** (por mor de alerxias, discapacidades, intolerancias..) deberán presentar un **certificado médico orixinal** que así o acredite.

WWW.VIGOENINGLES.ORG

CAL É O PROCESO PARA A ACEPTACIÓN DA PRAZA?

As listas de prazas adxudicadas, denegadas ou en lista de agarda **serán publicadas na web do programa VIGO EN INGLÉS.** Os/as alumnos/as aos que se lles adxudiquen as prazas definitivamente, previo acordo adoitado pola Xunta de Goberno Local, deberán **presentar no prazo de 5 días hábiles o Anexo V** de aceptación ou renuncia da praza concedida, acompañado naqueles casos que proceda do pertinente xustificante bancario de pagamento.

ONDE TES QUE DIRIXIRTE?

Para recoller os impresos de solicitude e para formular calquera consulta en horario de 09:00 a 14:00 h. de luns a venres, podes poñerte en contacto co Servizo de Educación do Concello.

Enderezo

Servizo de Educación · Programa VIGO EN INGLÉS
Praza do Rei s/n, Planta 11ª · 36202 Vigo

E-mail

vigoeningles@vigo.org

Teléfono

986 81 01 81

A documentación requirida para tramitar a solicitude deberás presentala dentro do prazo establecido no Rexistro Xeral do Concello de Vigo (Praza do Rei s/n 36202 Vigo) de luns a venres en horario de 9,00 a 13,30 horas e os sábados en horario de 9,00 a 13,00 horas.

En todo caso, cómpre remitirse ao contido específico recollido nas Bases e convocatoria para a adxudicación de prazas para a participación no programa de Inmersión en Lingua Inglesa VIGO EN INGLÉS 2016 aprobado pola Xunta de Goberno Local do Concello de Vigo na súa sesión do 29/Xaneiro/2016.